



USAID
FROM THE AMERICAN PEOPLE



Sweden
Sverige

USAID/Sweden Projekat razvoja tržišne poljoprivrede II (FARMA II)

Program pomoći američkog i švedskog naroda

SAŽETI PRIKAZ PROJEKTA

USAID/Sweden Projekat razvoja tržišne poljoprivrede II (FARMA II)

Kratak pregled projekta

Ukupna sredstva:	16,2 miliona USD
Datum početka:	januar 2016. godine
Datum završetka:	januar 2021. godine

Izazov

Poljoprivreda predstavlja važan činilac u privredi Bosne i Hercegovine (BiH) u mnogim aspektima, budući da čini 10% ukupnog izvoza zemlje, ostvaruje 8% BDP-a i zapošljava oko 20% domaće radne snage. U zemlji sa konstantno visokom stopom nezaposlenosti (koja se procjenjuje na oko 27%) i veoma raširenom pojavom ruralnog siromaštva, poljoprivredni i prehrambeni sektor od vitalnog su značaja za egzistenciju velikog broja stanovnika u ruralnim područjima. Nedavnim podnošenjem aplikacije za sticanje statusa zemlje kandidata za članstvo u Evropskoj uniji, BiH je ostvarila ključni korak ka članstvu u Evropskoj uniji.

Da bi ispunio sve zahtjeve, sektor poljoprivrede i prehrambene industrije mora povećati svoju izveznu konkurentnost. Ključ za ostvarivanje najveće moguće koristi od budućeg članstva leži u sposobnosti Bosne i Hercegovine da brzo i efikasno provede reforme zakonodavnog i regulatornog okvira u skladu sa uvjetima za pristupanje Evropskoj uniji.

Vizija projekta USAID/Sweden FARMA II

Projekat FARMA II predstavlja potvrdu vizije USAID-a i Vlade Švedske da domaći potrošači mogu i trebaju imati povjerenja u prehrambene i poljoprivredne proizvode domaće proizvodnje, koje je također moguće izvoziti i na tržišta Evropske unije.

Ovaj petogodišnji projekat će pružiti tehničku pomoć i obuku kroz program prilagođen potrebama svojih korisnika sa ciljem unapređenja konkurentnosti prehrambenih i poljoprivrednih proizvoda kroz proširivanje ekološki održive proizvodnje i prerade, te povećanjem proizvodnje prehrambenih proizvoda višeg stepena prerade. Ostvarivanje uspjeha na ovim poljima djelovanja će u velikoj mjeri doprinijeti sveobuhvatnom ekonomskom rastu u sektoru poljoprivrede, te smanjenju siromaštva u ruralnim područjima.

Implementacija i rezultati

Sa osobljem u uredima širom zemlje, projekat FARMA II će raditi sa organizacijama poljoprivrednih proizvođača i individualnim poljoprivrednicima na povećanju njihovih prinosa i poboljšanju kvaliteta proizvoda. Obuke i tehnička pomoć će biti posebno usmjereni na žene poduzetnice i organizacije poljoprivrednih proizvođača na čijem čelu se nalaze žene.

Očekuje se da će do 2020. godine najmanje 40% korisnika projekta FARMA II biti žene. Saradnja sa državnim organima u pogledu izrade i provedbe zakonodavnih akata kakve zahtijeva Evropska unija predstavlja još jedan od glavnih stubova djelovanja projekta FARMA II. Unapređenjem regulatornog okvira i usklađivanjem domaćeg zakonodavstva sa zahtjevima Evropske unije, FARMA II će ojačati sposobnost privatnog sektora da ostvari pristup tržištu Evropske unije, poveća izvoz i prihode poljoprivrednika, stvori nova radna mjesta i u konačnici dovede do smanjenja siromaštva. Ciljevi aktivnosti projekta FARMA II su ambiciozni, a uključuju rad sa gotovo 60% poljoprivrednog sektora na povećanju prodaje za 65% i izvoza za 90%, te stvaranju više od 2.000 novih radnih mjesta u okviru ciljnih lanaca vrijednosti. Projekat FARMA II će dodatno doprinijeti rastu izvezne konkurentnosti kroz rad sa najmanje 500 poljoprivrednih preduzeća kako bi im pružio pomoć u primjeni standarda Evropske unije i certificiranju kvaliteta proizvoda.



Ime i prezime davaoca izjave

Adresa

IZJAVA

Ja _____ JMBG _____ želim sudjelovati na obukama za
projekt _____
(osobni projekt sa kojim želi aplicirati u okviru projekta FARMA II)
u okviru FARMA II projekt-a.

Potpis